



KENYATAAN MEDIA

Kebawah Duli Yang Maha Mulia Al-Aminul Karim Sultan Sallehuddin Ibni Almarhum Sultan Badlishah telah berkenan untuk berangkat bercemar duli ke majlis Rumah Terbuka Aidilfitri Malaysia MADANI yang akan berlangsung di negeri Kedah pada Sabtu, tanggal 29hb April 2023.

Majlis Rumah Terbuka Aidilfitri Malaysia MADANI anjuran Kerajaan Persekutuan ini akan diadakan dari pukul 10.00 pagi hingga 2.00 petang di Hotel Raia, Alor Setar, Kedah Darul Aman.

Kerajaan Persekutuan menjunjung kasih atas limpah perkenan Kebawah Duli Yang Maha Mulia Sultan Kedah berangkat bercemar duli ke majlis tersebut.

Keberangkatan baginda pastinya akan menambah lagi seri Rumah Terbuka Aidilfitri Malaysia MADANI, sekaligus memberi peluang kepada rakyat Kedah untuk meraikan Aidilfitri bersama-sama Kebawah Duli Yang Maha Mulia Tuanku.

FAHMI FADZIL
MENTERI KOMUNIKASI DAN DIGITAL

28 April 2023